



Kulol alaa nande Naawoore



Wadi jalawma gooto, njaltumi suudu am otel ngam yahde e kawrital paayodinngal. Nde wonnoo mi ummanooki law, ndoknumi mobel am ko yaawi—haa burtin mi ko yamiraa ko. Nde njah mi haa badiimi nokku mo ndoganatnoomi o tan, polis darni mi wi'i ko maa mi yaha to jaawirde mabbe to! Bernde am metti heen no feewi tee alaa ko mbaawnoomi heen sabu mbeda anndunoo mi toonii.

Caggal nde polis winndani mi kaayit kuugal, nawaami to jaawirde sara doon ngam jaaweede. Kawrumi toon e sehil am gooto kakkitoowo liggotoodo e jaawirde he. O haawaa nde o yi'i mi toon. Nde ciimtanmi mo no gede ngoori, o wi'i, "Woto hul. Maa mi toppito gede maa." Mbeltiimi haa no feewi. Sehil am wonata kakkitoowo am!

Sabaabu nde sehil am kakkitoowo mi o, jaawoowo o fawi mi kuugal leefdungal. Njaltumi jaawirde nde mbeda yetta Geno.

Tawi ko goonga, ina hulbinii daraade yeeso jaawoowo adunayankeejo. Kono duum ko hay huunde wonaani so a fonndii dum e daraade yeeso Geno e oon Jalawma Darnga mooltanaado o. So tawii oon jalawma ko janngo, mbela hada hoolii maa e dadnde?

Heblanaade Nalawma Darnga

Won e yimbe mbaɗi nalawma darnga o ko bolle puuyɗe. Be njarat sanngara, be cimmoɗ, be mbeddoo ceede, be njaha to nokkuuji kaantoridɗi ngam fijirde, be njeeba ko haanaani yeebeede. Ina waawi tawa nih hoɓe nganndi deen gede ina mbinndaa e deftere laakara he, kono gapo o (woni Seytaani) ina tonngi dum'en e welamma aduna. Be ngondaaka.

Yimbe wobbe kollira kulol furtungol. Hay waktu njuulu gooto daɗataa dum'en. Hakkillaaji mabbe ngoni tan ko e leepɗe yimbe leepɗe de e jenaale walla e safaara jahannama haa be njejjiti yidde e moyyere Geno.

Kono hono no njogoriimi kakkitoowo to jaawirde to, Geno rokkii en kakkitoowo balloowo en pande nalawma darnga. A wonataa aan tan!

Holoon woni Kakkitoowo men?

Miiɗo fayde e kakkitoowo wonaa miiɗo heso. Hitaande fof, ujunnaaji ujunnaaji hajjooɓe ina mbaɗoya njillu to sanamunuuji mum'en e Afrik baɗɗe rewo, leyɗeele Aarabeeɓe, e Asi. Heewbe ina njuuroo jenaale yimbe tedɗube, cikka been maa kakkit dum'en pande darnga.

Been yimbe teddube ina kaani teddineede, kono juulande dum'en walla jaagaade dum'en yoo kakkit en jande darnga ina harmi. Ko be maaybe tee be mbaawaa wadande ma hay huunde. Hay annabaabe be nana e jenaale mum'en, ina padi Nalawma Ummital.

**Alaa fof annabi mo
meedaa bakkodin walla
mo meedaa jaago yaafuya
bakkatuuji mum. Kono
Yeesu Almasiihu meedaa
bakkodin.**

Hay so tawii jaagaade maaybe yo kakkit en ina harmi, dande kakkitoowo ko huunde moyyere. Kono hol mo Geno jabanta kakkitgol mum? Oon foti wonde ko

1. Guurdo (sabu maaybe mbaawaa hakkitde en).
2. Mo alaa bakkaat (sabu mo sariya fawi kuugal waawaa hakkitde wofbe).

Holoon waawi timminde ndii doo mbaadi? Alaa fof goddo so wonaa gidu men Yeesu Almasiihu, ganndiraado Iisaa Almasiihu, guurdo gondo dow asamaan, ceniido o.

Durnu miijo e dum do—mbela won goddo baawdo wiyde kapum meedaa bakkodin? Aadama jaamiino fiibbe lekki ki o hadanoo ki; Nuuhu yariino haa manndili; Ibraahiima feniino; Muusaa wariino hoore; Daawuuda heftiino debbo janano. Alaa fof annabi mo meedaa bakkodin walla mo meedaa jaago yaafuya bakkatuuji mum.

Kono Yeesu Almasiihu meedaa bakkodin. Kanke e hoore makko o wi'i, "Neldo mi o ina wondi e am...sabu mbadfatmi tan ko ko weli mo ko" (dum ittaa ko to Linjiila, Yuhanna 8:29).

Huccande Nalawma Darnga wondude e Deeyre

Yeesu Almasiihu o ina wuuri dow asamaan tee o meedaa bakkodin. Homo yidi hakkitde en, miin e maa. Tee o artat booyataa.

So tawii noon o artat laawol didabol, duum firti ko Yeesu Almasiihu woni nulaado cakkatiido o. Eey, o yawtii wonde nulaado tan—kanke woni Kakkitoowo men, Laamdo men, e Deeyre men jande Nalawma Naawoore. O wi'i men, "E goonga tigurigi...

kala dooftiido konngol am meedataa yiide maayde” (Linjiila, Yuhanna 8:51).

Yeesu maayaani; homo wuuri! Tee homo tafa dental yimbe makko e aduna he doo jooni. Heen sahaaji o eewnoto yimbe yoo ngar e makko o rewna dum e koydi do be njiyata mo e comci daneeji tal, walla so en jaagiima e innde makko o wadana en ko jaagiden ko o rewna dum e kaawisaaji.

Mbela hada yidi hebde deeyre jande Nalawma Naawoore? Goondin Yeesu Almasiihu. E ko taki heden pawa hoolaare men e yimbe maaybe, be nganndaa ko hebata dum'en jande Nalawma Naawoore? Yeesu ina yenanaa joodorde mum dow asamaan. Hono no kakkitoowo am to jaawirde to, maa o hakkit en.

Hodon mbaawi haaweede no huunde hono ndeedoo wonirta goonga. Yeesu Almasiihu wi'i, “Kala ko jaagidaa e innde am, maa mi wad dum” (Linjiila, Yuhanna 14:14). Yeewtindodee ko moyyi yeewon so tawii ko kaalanatmi on ko ko goonga. So tawii Yeesu ina semmbolini haa waawa feewnande en gede men e aduna hannde o, heden poti waawde hoolaade mo o wona kakkitoowo men. Naago Geno e dow innde Yeesu tawa ko e bernde maa fof yeewaa ko kewata. Hada waawi jaagaade:


Hey Joomiraado, mbeda yidi anndude mbela Yeesu woni mo cubidaa wona kakki-toowo o jande jaawoore. Tawi ko goonga, mbeda jaagi maa yo a jaabo jaagungal am e (winndu haaju maada o dooyete). Mbeda jaagimaa dumdoo e dow innde Yeesu Almasiihu. Aamiin.

So tawii hada yidi anndude hol no Yeesu Almasiihu rewirtee, jukkondir e amen e tonngoode winndaande caggal oo kaayit.

Copyright © 2023 by Sharing Hope Publications. Dee golle ina mbaawi fecceede e wobbe tawa wonaa e coggu hay so alaa yamiroore.

Binndi di ittaa ko e deffere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.

Janje Wonnde



Yettu natal jelde QR ngal ngam
beydude ganndal.

